

Ezaka ho fanatsarana ny asa fanaovan-gazety



Mbola maro ny ezaka tokony hatao ho fanatsarana ny asa fanaovan-gazety eto Madagasikara hoy ireo Tonian'ny fanoratana ny gazety maromaro nihaona ny maraina teo tetsy @ Villa Fitiavana, tranon'ny Mpanolontsaina @ Serasera sy Kolotsainan'ny Masoivoho Amerikana, Atoa Brett Bruen mivady. Naharitra adiny iray sasany ny fihaonana maraina arahi-tsakafo na "**brunch**" ity, izay nifampizarana vaovao sy niresadresahana ny tontolo manodidina ny fiainana eto Madagasikara na ara-politika, na ara-tsosialy na ara-toekarena, ary indrindra ny asa fanaovan-gazety @ akapobeny. Fotoana ihany koa nanamafisana ny maha-zava-dehibe ny fandraisan'anjaran'ny tanora @ny fampandrosoana ny fiarahanina, ary nampanantenan'ny Masoivoho Amerikana ny famindrana ny Centre de Presse na Foibetoeran'ny Gazety, izay tao Antanimena talohan'ny fifindran'ny Masoivoho teny Andranomena, ka haverina aty ampovoan'ny tananan'Antananarivo tsy ho ela, mba ho akaiky kokoa ny mpanao gazety ka hamporisika azy ireo hitsidika izany toy ny teo aloha indray. Isam-bolana no heverina hanantaterahin'ny Masoivoho Amerikana ity karazana fihaonana @ ireo Tonian-dahatsoratry ny gazety sy ny haino aman-jery eto an-toerana ity mba hifanakalozan-kevitra sy hifandinika ny mety ho fiara-miasa ho fampandrosoana ny asa fanaovan-gazety, no sady koa hizaran'izy ireo ny vaovao misy eo anivon'ny masoivoho @ akapobeny. Santatra am-bavarano ihany ity fihaonana maraina arahi-tsakafo na koa hoe "brunch"notanterahina ny maraina teo ity.